

呂祖全書

乙巳仲冬
萬德至善社重刊

呂祖全書卷八

義陵無我子劉體恕彙輯

男劉陰誠清惠
姪劉允誠清虛

全校

沙羨一行子黃誠恕叅訂

孝誥上卷

純陽子曰。孝之義大矣哉。夫孝。德之基也。忠之門也。
。天之心也。地之程也。人之本也。不孝。則德之基傾。
。忠之門塞。天之心覆。地之程缺。人之本賊。傾則仁
義禮智無其根。塞則經綸事業閉其庭。覆則日月鬼神促
其生。缺則東西南北失其衡。賊則視聽言動亂其真。故
基立而百行端。門開而行藏裕。心順而福祿集。程全而
心志泰。本安而枝葉茂。則大乎德。通乎忠。感乎天。

應乎地。成乎人。千古嘖嘖。稱爲孝子之名。夫哀哀父母。生我劬勞。懷抱而冀其步履。步履而冀其成立。疾則思其愈。長則思其賢。賤則思其貴。貧則思其富。爲之顧復。爲之提攜。爲之飲食。爲之衣冠。爲之擇師。爲之娶妻。爲之立產。爲之欣喜。爲之恐懼。人年不滿百。而一生心血。半世經營。止爲子孫用盡。以是知天下無不是之父母。而人間有不順從之子孫。蓋天下事有待。而孝無待。待其富。如終不富。而親莫留。待其貴。如終不貴。而親忽逝。天之歲月。不爲父母久邀。人子之心。昊天罔極。故志士常惜寸陰。孝子當惜分陰。孝子之心本一。孝子之分不同。玉食萬方。孝也。菽水承歡。亦孝也。七廟追封。孝也。春秋家奠。亦孝也。

天子有天子之孝。諸侯有諸侯之孝。卿大夫有卿大夫之孝。士庶人有士庶人之孝。孔子之謂五孝。遇分而薄其親。非孝也。違分以悅其親。亦非孝也。盡己之分。行孝之事。是孝無己。然人生有二恨。嬰孫之際。只知嬉戲。恃親之愛。肆己之爲。未能曲敬親之道。恨也。長而毛裏之念常生。音容之追已渺。雖珍羞醴酒。不能奉雙親於九泉。風木之悲。終身浩嘆。恨也。知此二恨。則父母雙全。言笑依依。承歡膝下。人生大幸。自當晨昏定省。竭盡孝思。在一日。則伸一日之報。在一刻。則伸一刻之報。庶返心不愧。顧影無慚。否則悔將何及。今世之人不孝者。因父母怙愛。家庭之常。忽畧過度。禮節不生。色慾日深。天恩漸薄。對妻子之日長。對

父母之日短。與妻子之言多。與父母之言少。此等之人。俱係下愚。賢哲不齒。神明見棄。故家庭之間。不可一日廢禮。廢禮則慢生。慢生則覺起。覺起則閒出。是以父坐子立。嚴矣。行之而覺安。冬溫夏清。煩矣。久之而心悅。親未食。己不敢食。親未飲。己不敢飲。親未衣。己不敢衣。親未命。己不敢出。一步而不敢忘孝。一言而不敢忘孝。一事而不敢忘孝。親在不敢以身許人。親在不敢以遊爲名。親在不敢以忿易生。親在不敢以險可乘。夢寐之中。而孝思自存。非要譽於朋友。非求名於朝廷。非邀福於鬼神。孝德所昭。朋友自稱之。朝廷自顯之。鬼神自祐之。可以爲德之基。忠之門。天之心。地之程。人之本矣。純陽說孝誥上卷畢。

虔誠有請。衆孝神來臨。曰。

志心朝禮。凡三拜

旋乾轉坤。純忠純孝。揖讓大德神聖。有虞大舜帝。無

極至尊。

配合天地。純忠純孝。作述大德神聖。周西伯文王。無

極至尊。

定禮成樂。純忠純孝。制作大德神聖。魯國周公。無極

至尊。

傳道正德。純忠純孝。大成大神大聖。先師孔子。無極

至尊。

志心皈命禮 凡一拜

仁讓欲泰伯至孝神 被髮文身。曲體其親。荊蠻開國。

篤生聖人。

恭恪公申生至孝神。東山師。金玦偏衣不用辭。二五耦。晉室悲。君安驪姬死無時。

異節公伯奇至孝神。伯勞伯勞。飛在山之麓。思親不見。終朝哭。勸世人。妻子莫輕續。

誠一公曾子至孝神。心與親同。嚙指而通。羊棗興思。自不窮。孟曰養志。幾代家風。

勇感公子路至孝神。白雲悠悠。雙親莫留。累茵列鼎。往南遊。負米當年何處求。

誠感公閔子至孝神。母在兒寒。母去兒單。三子單。何如一子寒。至言動父。古云難。

純謹公高子臯至孝神。執親喪。泣血三年斷人腸。哀日

深。笑日忘。思親常在白雲鄉。

純感公穎考叔至孝神。小人有母。未嘗君羹。君有母。

悔誓黃泉何日迎。洩洩融融天性明。愛母及君純孝聲。

謹恪公樂正子春至孝神。師訓心頭錄。全體還親腹。傷其足。不出屋。孝子心。恭而肅。

漢太宗孝文帝至孝神。孝事親。德化民。諡曰。文一聖君。

誠毅女緹縈至孝神。妾父廉平。死者不可復生。願入宮庭除父刑。生男莫重。生女莫輕。上書救父令人驚。順惠女桓少君至孝神。脫卻綺羅換布裳。鹿車共挽去歸鄉。拜姑禮畢忙提甕。愧殺當時紅粉妝。

堅節女陳孝婦至孝神。青春十六。夫死養姑勤紡軸。丹書來屋。黃金盈麓。孝婦名。千古錄。

清簡公茅容至孝神。避雨無心結友生。一經衡品便成名。廚下宰雞聲。堂前動客情。供母延賓孝子行。厚薄自分明。

仁感公薛包至孝神。後妻續。前兒逐。里門舍外宿。洒掃堂前父怒生。思親不得晨昏哭。晨昏哭。親心非稿木。

義隱公王裒至孝神。讀蓼莪。廢蓼莪。墳前枯柏淚痕多。三徵七辟。我心則那。手無斧柯。奈彼晉何。誠感公陸績至孝神。橘花香。橘子黃。思親一食未能忘。七歲兒郎。袖中懷得滿庭霜。

誠懿公江革至孝神 孝子莫愁貧。行傭可養親。孝子莫
愁賊。誠至動凶人。

順感公王祥至孝神 天上雀飛。水內魚肥。解冰入幕動
慈闈。

敬懿公孟宗至孝神 綠竹綠竹。孝子何須哭。勁節虛心
感應速。

雍穆公王延至孝神 西風寒。短衣單。貧自貧兮親自安
。

誠悅女唐夫人至孝神 堂上乳姑心愈固。有子有孫如新
婦。孝敬相傳高崔戶。

文敬公庾黔婁至孝神 到縣未旬。身係官兮心繫親。嘗
糞心驚。稽顙北辰。這孝子。天性純。

文懿公何子平至孝神。情事未伸。天地一罪人。葺屋何須覆亡身。

誠敬公韓伯愈至孝神。年年此杖須着肉。今年此杖須痛哭。親力不復。親力不復。恐哀顏。韶光迅速。

誠感公董永至孝神。人間孝子室長貧。室長貧。風雨蕭蕭不葬親。仙姬特遣下紅塵。不是真。又是真。

誠悅公老萊子至孝神。身上衣。五色斑。嬰兒啼。悅親顏。悅親顏。採藥何須煉九還。

肅穆公丁蘭至孝神。刻木爲容如親復。朝朝禮拜誠而肅。眼中流血親何哭。這頑妻。宜逐宜逐。

勇感女盧氏至孝神。冒白刃。護姑身。有仁義。始稱人。

恭肅公黃香至孝神 冬溫夏清。不忝所生。

節孝公徐積至孝神 孝自天生。舉足心驚。終身不踐石
。徐行。

誠愍公朱壽昌至孝神 母子相離五十春。棄官流涕入西
秦。同州得見親。

至感公郭巨至孝神 供母不足。懷中兒哭。嬌兒反分慈
母肉。埋在荒山麓。天賜黃金堪一斛。

靈保公姜詩至孝神 躍鯉湧泉。至孝動天。
誠謹公毛義至孝神 萬事可續。親年不復。捧檄心歡。

親去何如。親在食君祿。

忍毅公張公藝至神 九族九族。五百年前共親腹。忍字
足。親親睦。

聖教得統。大忠至孝。光明通顯靈應。少保樞密副使。
武昌忠武岳公。護善大天尊 三拜

末運挺生。忠孝性成。勦除興寇。威震金城。雄如兀
尫。聞名即驚。請命終喪。目幾失明。帝曰戒酒。遂
絕兇觥。軍來仙鎮。義勇俱盟。黃龍寨裡。指日稱平
。金牌忽下。馬首淚傾。天地變色。奸諛可烹。風波
亭上。草木無情。魂遊天府。上帝鑒誠。神靈宇宙。
萬古佳聲。

孝誥中卷

純陽子曰。水無源則竭。木無根則彫。屋無柱則傾。山
無脚則崩。天地無氣以舉之。則墜。日月星辰。無天以
繫之。則滅。山川草木無地以載之。則絕。故天地生人

。父母生子。人本於父母。即本於天地。人無孝。則何以爲人。余今爲世人說孝。夫孝有十。一曰承顏。承顏者。父母有笑容則喜。有愠色則懼。已有喜。當父母之前則增。已有怒。當父母之前則消。無喜無怒。父母見之不堪。有喜有怒。父母見之亦不常。惟婉容悅色。言笑依依。始可謂之承顏。二曰順令。順令者。父母欲之東。已不可強之西。父母欲之南。已不可強之北。父母欲賞一人。已不可曰不賞。欲罰一人。已不可曰不罰。惟適其意。行其願。養志無違。始可謂之順令。三曰寬心。寬心者。父母於日用則心謀之。於禍患則心防之。於子之不肖。則心恥之。於子之疾病。則心憂之。惟不以日用累其心。禍患恐其心。不肖勞其心。疾病虞其心。

。泰然自適。優遊無礙。始可謂之寬心。四曰敬身。敬身者。言動視聽之非。俱足辱親令名。舟車飲食之損。俱足虧親全體。惟口無妄言。行無妄動。立無妄視。坐無妄聽。車而恐墜。舟而恐覆。飲而恐醉。食而恐傷。始可謂之敬身。五曰善養。善養者。天未寒。撫父母之背曰得無寒。寒則添衣。時未饑。進父母之前曰得無飢。飢則進食。已雖短褐。親必備裘葛。已雖藜藿。親必極滋味。始可謂之善養。六曰繼美。繼美者。親用一人。已不敢改之。親行一事。已不敢更之。親遺一業。已不敢變之。親留一言。已不敢忘之。待親之人愈厚。視親之事愈重。守親之業愈謹。記親之言愈深。始可謂之繼美。七曰格非。格非者。君之過。可以犯顏敢諍。親

之過。不可以直言明辨。君以義合。親以恩合。親有大過。惟積以誠意。動以至情。婉言不從。繼以號哭。天性之間。必有動者。始可謂之格非。八曰調疾。調疾者。父母有恙。請明醫慎風寒。躬親湯藥。嘗飲食。衣不解帶。夜不成寐。食不知味。久而耐煩。愈而心樂。始可謂之調疾。九曰盡哀。盡哀者。父母之恩。百年莫報。父母之終。千秋永別。臨沒而淚流血。心如裂。含斂而聲如塞。容如墨。送喪而往如慕。返如疑。水漿不入於口。苦塊不離身。音樂不聞於耳。笑談不見於齒。自三日三月。至於三年。哀於禮有節。哀於心不忘。始可謂之盡哀。十曰追思。追思者。春而奠。秋而祀。生而哭。忌而泣。節而哀。時而獻。廟而新。墳而掃。覩風

木而興悲。觀白雲而長往。執遺器而悽愴。讀遺書而徬徨。始可謂之追思。此之謂十孝。無處不宜孝。無時不宜孝。無事不宜孝。無人不宜孝。孝生於心。難以言盡。說此十孝以勸世人。當知水源木根。屋柱山脚。天地本於氣。日月星辰。山川草木。本於天地。人本於父母矣。純陽子說孝誥中卷畢。

虔誠有請。衆忠神來臨。曰。

志心朝禮。凡三拜

旋乾轉坤。純忠純孝。揖讓大德神聖。有虞大舜帝。無極至尊。

配合天地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮 凡一拜

仁讓公泰伯至孝神 恭恪公申生至孝神

異節公伯奇至孝神 誠一公曾子至孝神

勇感公子路至孝神 誠感公閔子至孝神

純謹公高子臯至孝神 純感公穎考叔至孝神

謹恪公樂正子春至孝神 漢太宗孝文帝至孝神

誠毅女緹縈至孝神 順惠女桓少君至孝神

堅節女陳孝婦至孝神 清簡公茅容至孝神

仁感公薛包至孝神
誠感公陸續至孝神
順感公王祥至孝神
雍穆公王延至孝神
文敬公庾黔婁至孝神
誠敬公韓伯俞至孝神
誠悅公老萊子至孝神
勇敢女盧氏至孝神
節孝公徐積至孝神
至感公郭巨至孝神
誠謹公毛義至孝神
聖教得統。大忠至孝。光明通顯靈應。少保樞密副使。

義隱公王裒至孝神
誠懿公江革至孝神
敬懿公孟宗至孝神
誠悅女唐夫人至孝神
文懿公何子平至孝神
誠感公董永至孝神
肅穆公丁蘭至孝神
恭肅公黃香至孝神
誠愍公朱壽昌至孝神
靈保公姜詩至孝神
忍毅公張公藝至孝神

武昌忠武岳公。護善大天尊

三拜

孝誥下卷

純陽子曰。父母是兩尊活佛。今世人不知敬。昔有楊黼家貧。耕數畝。竭力奉親甘旨。一日聞蜀有無際大士。辭親往訪之。塗遇一老僧。問何所之。曰。欲見無際。老僧曰。見無際不如見佛。曰。佛安在。曰。汝但回。遇着某色衣履者。即佛也。遂回。無所遇。夜至家扣門。其母聞聲喜甚。即披衾倒屣出戶。乃向所言佛狀也。自是知父母是佛。不用遠慕。况天下事之報應猶遲。惟孝之報應甚速。一念之孝。神自知之。一事之孝。人自敬之。如孟宗之哭竹。王祥之卧冰。天性之感。何其神速。故孝子之家。祥雲常遶。吉神遠照。不孝之家。凶

鬼在堂。戾氣冲天。可不懼哉。今世人動言繼母難事。子道維艱。不知天性可感。後母之不慈者固多。極惡者亦少。皆因世人喪偶續娶。前邊兒女。先將古來許多晚娘惡件。填在胸次。這邊晚娘父母保婢。又唆教自立馬頭出來。兩邊人弄出搬來。言是言非。遂將天下繼母。俱看得是不慈的。所以人子每遇繼母。不孝者多。今惟竭盡己道。動以誠敬。人非草木。豈不心回。抑庶人之孝。與天子之孝本一。庶人之父子。與天子之父子不同。庶人不過養生送死。竭力無違。天子則家國之際。嫌隙易生。讒疑易起。如楊廣之弑父。肅宗之殺子。古今大變。天地寒心。故天子之子。肅肅小心。溫溫終日。無離左右。無廢溫清。無干政事。無畜兵馬。無延賓客。

。則嫌隙不生。讒疑不起。國本無搖。社稷長安矣。余說孝誥至此三卷。惓惓欲世人盡孝之意。至矣盡矣。倘執迷不悟。不獨負天地。負父母。且負余一片婆心矣。純陽子說誥下卷畢。

虔誠有請。衆忠神來臨。曰。

志心朝禮。凡三拜

旋乾轉坤。純忠純孝。揖讓大德神聖。有虞大舜帝。無

極至尊。

配合天地。純忠純孝。作述大德神聖。周西伯文王。無

極至尊。

定禮成樂。純忠純孝。制作大德神聖。魯國周公。無極

至尊。

傳道正德。純忠純孝。大成大神大聖。先師孔子。無極至尊。

志心皈命禮。凡一拜

仁讓公 太伯至孝神 恭恪公 申生至孝神

異節公 伯奇至孝神 誠一公 曾子至孝神

勇感公 子路至孝神 誠感公 閔子至孝神

純謹公 高子臯至孝神 純感公 穎考叔至孝神

謹恪公 樂正子春至孝神 漢太宗 孝文帝至孝神

誠毅女 緹縈至孝神 順惠女 桓少君至孝神

堅節女 陳孝婦至孝神 清簡公 茅容至孝神

仁感公 薛包至孝神 義隱公 王裒至孝神

誠感公 陸績至孝神 誠懿公 江革至孝神

順感公王祥至孝神

敬懿公孟宗至孝神

雍穆公王延至孝神

誠悅女唐夫人至孝神

文敬公庾黔婁至孝神

文懿公何子平至孝神

誠敬公韓伯俞至孝神

誠感公董永至孝神

誠悅公老萊子至孝神

肅穆公丁蘭至孝神

勇感女盧氏至孝神

恭肅公黃香至孝神

節孝公徐積至孝神

誠愍公朱壽昌至孝神

至感公郭巨至孝神

靈保公姜詩至孝神

誠謹公毛義至孝神

忍毅公張公藝至孝神

聖教得統。大忠至孝。光明通顯靈應。少保樞密副使。

武昌忠武岳公。護善大天尊 三拜

忠孝總跋

純陽子曰。余本神仙。存心忠孝。每遊下界。見紅塵蔽日。白水滔天。爲臣不忠。爲子不孝。勤之學佛。何處叅禪。勤之求仙。何處談玄。忠孝平實。可以久傳。與人臣言依於忠。與人子言依於孝。忠孝之文。存心有年。因遊回雁峯。得過花石城。雲端之上。香風縹緲。見周永祐。秦文超諸鯤。胡思恭等。虔誠拜請。因作忠孝誥六卷。皆淺言近理。不敢深文奧義。舉忠孝神一百一十三位。皆事跡昭彰。不敢探幽索遠。使朝夕拜誦。廣佈人間。於今癸酉年十二月廿四日批寫。拜是誥者。用鍾鼓各一。以通幽冥。用七星水。以洗奸臣逆子之心。用清香以忠孝之靈。至於衆神之諱。余恐世人不曉。故爾連書。拜禮之時。不可宣誦。如有儒釋道三教人。果

能堅志奉行。細心體會。勸世人拜此誥者。天地清明。
鬼神欽仰。功德現成。福祿無量。勉之勉之。純陽子作
忠孝誥畢。因書於後。

題忠孝誥詞

梅仙

幾度到瀟湘。挑燈夜未央。春風一曲白雲鄉。
一笑還一哭。坐在南山麓。忠孝萬言書熟讀。

竹仙

古寺雁聲殘。明月上欄杆。三更何處冷蒲團。
不笑亦不哭。忘却南山麓。忠孝萬言書誰讀。

柳仙

袖裏是青蛇。籠內是丹砂。一輪明月夜開花。

知笑不知哭。跳過南山麓。忠孝萬言書不讀。

松仙

落日滿山紅。乾坤一掌中。丹成爐內起蛟龍。
止笑不止哭。踢倒南山麓。忠孝萬言書常讀。

妙仙童

日日燒爐煉九還。從容捧誥步雲闕。
幾多水。幾多山。一路春風接笑顏。

應仙童

瑤池昨日採桃還。又捧金言出紫闕。
綠綠水。青青山。白雲無數繞人顏。

聖德諸品經二十四篇。呂祖飛鸞於刊江之蓮華社所著也。令讀其經。粹然性命之言。而深斥夫男女黃白之說。蓋萃仙經之妙旨。而盡發其融貫。闢邪宗之妄見。而大肆其廓清。惟其憂深而慮遠。不禁言切而說詳。實與八品五品三品叅同諸經。同一心法。表裏六經。貫通三教。不特五千言之功臣。抑亦四子五經。五千四百藏經之支派也。考其時則順治丁酉。其地則澹寧堂清信社空凌閣悟真齋。其人則漢如施子及維清維靜二子。經二十四篇。中附坤元經一篇。經後附說三篇。係寫本姪允誠藏之。因輯全書。出而合纂。仍分二卷。不忘所自。誌之。